



Broj: 05-02-1-1524-1/17
Sarajevo, 17. 7. 2017. godine

**PARLAMENTARNA SKUPŠTINA
BOSNE I HERCEGOVINE**

- Zastupnički dom -
- Dom naroda -

SARAJEVO

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO:		18-07-2017	
Organizaciona jedinica	Klasifikaciona oznaka	Redni broj	Broj priloga
01/02-02-1-1752/17			

B

PREDMET: Prijedlog zakona o izmjeni Zakona o nezavisnim i nadzornim tijelima policijske strukture Bosne i Hercegovine, *dostavlja se*

Vijeće ministara Bosne i Hercegovine, na 106. sjednici održanoj 22. 6. 2017. godine, utvrdilo je Prijedlog zakona o izmjeni Zakona o nezavisnim i nadzornim tijelima policijske strukture Bosne i Hercegovine, te zaključilo da se isti uputi Parlamentarnoj skupštini Bosne i Hercegovine uz prijedlog da se razmatra po temeljnom zakonodavnom postupku.

U vezi s navedenim, u privitku dostavljamo Prijedlog zakona o izmjeni Zakona o nezavisnim i nadzornim tijelima policijske strukture Bosne i Hercegovine, na bosanskom, hrvatskom i srpskom jeziku. Istodobno dostavljamo i elektronsku verziju Prijedloga zakona.

S poštovanjem,

GENERALNI TAJNIK
Zvonimir Kutleša

PRIJEDLOG

Na osnovu člana IV 4.a) Ustava Bosne i Hercegovine, Parlamentarna skupština Bosne i Hercegovine, na _____ sjednici Zastupničkog doma, održanoj _____ 2017. godine i na _____ sjednici Doma naroda, održanoj _____ 2017. godine, usvojila je

ZAKON

O IZMJENI ZAKONA O NEZAVISNIM I NADZORNIM TIJELIMA

POLICIJSKE STRUKTURE BOSNE I HERCEGOVINE

Član 1.

(1) U Zakonu o nezavisnim i nadzornim tijelima policijske strukture Bosne i Hercegovine („Službeni glasnik BiH”, broj 36/08), u članu 11. stav (2) mijenja se i glasi:

„(2) Svako policijsko tijelo BiH koje ima status upravne organizacije predlaže ministru sigurnosti BiH po dva policijska službenika za članove Odbora za žalbe policijskih službenika, od kojih će ministar sigurnosti BiH predložiti četiri policijska službenika BiH Vijeću ministara BiH za izbor i imenovanje.”

(2) U članu 11. dodaje se novi stav (3), koji glasi:

“(3) Prilikom predlaganja članova Odbora za žalbe policijskih službenika , vodiće se računa o ravnomjernoj zastupljenosti spolova.”

(3) St. (3), (4), (5) i (6) postaju st. (4), (5), (6) i (7).

Član 2.

U Zakon o nezavisnim i nezavisnim i nadzornim tijelima policijske strukture Bosne i Hercegovine („Službeni glasnik BiH”, broj 36/08), u poglavlje i. OPĆE ODREDBE, dodaje se član 2. koji glasi:

“Član 2.

(Rodno osjetljiva upotreba jezika)

Izrazi u ovom zakonu, koji su radi preglednosti dazi u jednom gramatičkom rodu, bez diskriminacije se odnose i na muškarce i na žene.

Član 3.

Ovaj zakon stupa na snagu osmog dana od dana objavljivanja u "Službenom glasniku BiH".

Broj _____
_____ 2017. godine

**Predsjedavajući
Zastupničkog doma
Parlamentarne skupštine BiH**

**Predsjedavajući
Doma naroda
Parlamentarne skupštine BiH**

OBRAZLOŽENJE

I - USTAVNI OSNOV

Ustavni osnov za donošenje ovog Zakona sadržan je u članu IV 4 (a) Ustava Bosne i Hercegovine prema kojem je Parlamentarna skupština Bosne i Hercegovine nadležna za donošenje zakona koji su potrebni za provođenje odluka Predsjedništva Bosne i Hercegovine ili za vršenje funkcija Parlamenta Bosne i Hercegovine po ovom Ustavu.

II – RAZLOZI ZA DONOŠENJE

Razlozi za donošenje predloženog Zakona su prije svega sadržani u činjenici da je u dugogodišnjoj primjeni Zakona o nezavisnim i nadzornim tijelima policijske strukture Bosne i Hercegovine („Službeni glasnik BiH”, broj 36/08), (u daljem tekstu: Zakon) uočena neusaglašenost između odredbe člana 10. stav (1) kojim se propisuje da Odbor za žalbe policijskih službenika ima sedam članova, od kojih su četiri člana policijski službenici, a tri člana državni službenici i odredbe člana 11. stav (2) Zakona.

Naime, u članu 11. stav (2) Zakona se propisuje da svako policijsko tijelo BiH koje ima status upravne organizacije predlaže ministru bezbjednosti BiH po dva policijska službenika za članove Odbora za žalbe policijskih službenika, a koje ministar bezbjednosti BiH predlaže Savjetu ministara BiH na izbor i imenovanje. Nadalje, ako se akceptira činjenica da se policijska struktura BiH sastoji od tri policijska tijela i to, da istu čine: Državna agencija za istrage i zaštitu – SIPA, Granična policija i Direkcija za koordinaciju policijskih tijela BiH, potpuno je jasno da se prostim matematičkim tumačenjem ove odredbe može pretpostaviti da svako policijsko tijelo u policijskoj strukturi BiH može imati po dva člana u sastavu Odbora za žalbe policijskih službenika, zbog čega bi takvo tumačenje bilo u suprotnosti sa odredbom člana 10. stav (1) Zakona, gdje decidno navedeno da se u sastav Odbora za žalbe policijskih službenika mogu imenovati četiri policijska službenika BiH.

III - PRINCIPI NA KOJIM SE TEMELJI ZAKON

Principi na kojima je zasnovan Prijedlog Zakona u skladu su sa:

- Pravnom sigurnošću,
- Zakonom o Državnoj agenciji za istrage i zaštitu,
- Graničnoj policiji,
- Zakonom o Direkciji za koordinaciju policijskih tijela i o agencijama za podršku policijskoj strukturi BiH, Zakonom o Državnoj agenciji za istrage i zaštitu i Zakonom o Graničnoj policiji BiH,
- Zakonom o policijskim službenicima BiH,

- Zakon o ministarstvima i drugim organima uprave BiH,
- Zakonom o upravi.

IV - OBRAZLOŽENJE PREDLOZENOG RJEŠENJA

Član 1. Zakona se odnosi na izmjenu člana 11. stav (2) na način da su se usaglasile odredbe člana 10. stav (1) i citiranog člana 11. stav (2). Zakona. Sada je potpuno jasno da od šest policijskih službenika BiH koje nominiraju tri policijska tijela BiH, znači svako tijelo po dva policijska službenika, ministar bezbjednosti BiH na izbor i imenovanje Vijeću ministara BiH od tog broja predlaže četiri policijska službenika, te je izmjenom ove odredbe 11. stav (2) postalo pravno potpuno jasno o kojem broju policijskih službenika se radi, kada je riječ o izboru i imenovanju.

Takođe se u članu 11. dodaje novi stav (3) , kojim se poštuju odredbe Zakona o ravnopravnosti spolova u BiH – prečišćeni tekst , gdje u članu 20. st.(1) i (2) se propisuje, između ostalog da državna tijela na svim nivoima vlasti I tijela lokalne samouprave, uključujući zakonodavnu, izvršnu I sudsku vlast, političke stranke, pravna lica s javnim ovlaštenjima, pravna lica koja su u vlasništvu ili pod kontrolom države , entiteta , kantona, grada ili opštine ili nad čijim radom javni organ vrši kontrolu, obezbijediće i promovisati ravnopravnu zastupljenost spolova u upravljanju, procesu odlučivanja i predstavljanju. Ravnopravna zastupljenost spolova postoji u slučaju kada je jedan od spolova zastupljen najmanje u procentu 40% u pomenutim tijelima.

Nakon dodavanja novog stave (3) u pomenuti član zakona, st. (3), (4) ,(5) i (6) postaju st. (4), (5), (6) i (7).

Članom 2. se u Prijedlog Zakona o nezavisnim i nadzornim tijelima policijske strukture Bosne i Hercegovine („Službeni glasnik BiH”, broj 36/08), dodaje novi član 2. koji je inkorporiran u poglavlju I. Opšte odredbe i koji takođe predstavlja usaglašavanje ovog zakona sa članom 9. Tačka e) Zakona o ravnopravnosti spolova u BiH, na način da diskriminacija u jeziku postoji kada se koristi isključivo jedan gramatički rod kao generički pojam. Formulacija iz ove sugestije koristi se u skladu sa članom 44.a. stav (1) Izmjena i dopuna Jedinistvenih pravila za izradu pravnih propisa u institucijama Bosne i Hercegovine („Službeni glasnik BiH”, broj 58/14)

V - FINANSIJSKA SREDSTVA

Usvajanje prijedloga zakona ne zahtijeva izdvajanje bilo kakvih novih sredstava za provođenje istog.



Amela
Djauk

Broj: 05-07-1-1605-2/17
Sarajevo, 30.6.2017. godine

11-07-2017

04 02-1 3099-7/17

10.07.17

MINISTARSTVO SIGURNOSTI
- n/r tajnika Ministarstva -

PREDMET: Obavijest o zaključku Vijeća ministara BiH

Vijeće ministara Bosne i Hercegovine, na 106. sjednici održanoj 22.6.2017. godine, utvrdilo je Prijedlog zakona o izmjeni Zakona o nezavisnim i nadzornim tijelima policijske strukture Bosne i Hercegovine.

Zaključeno je da se Prijedlog zakona dostavi Parlamentarnoj skupštini Bosne i Hercegovine, uz prijedlog da se razmatra po osnovnom zakonodavnom postupku.

O zaključku vas informiramo radi njegove provedbe.


S poštovanjem,





Broj:03-02-1-356/17
Sarajevo, 13.04.2017.godine
(RŠ)

BOSNA I HERCEGOVINA
MINISTARSTVO BEZBJEDNOSTI
SARAJEVO



PREDMET: Mišljenje na Prijedlog zakona o izmjeni Zakona o nezavisnim i nadzornim tijelima policijske strukture Bosne i Hercegovine

Veza Vaš akt broj: 04-02-1-3079/17 od 11.04.2017.godine

Ured za zakonodavstvo Savjeta ministara Bosne i Hercegovine, razmotrio je **Prijedlog zakona o izmjeni Zakona o nezavisnim i nadzornim tijelima policijske strukture Bosne i Hercegovine**, i na osnovu člana 25.stav 1.Zakona o Savjetu ministara Bosne i Hercegovine («Službeni glasnik BiH», br.30/03, 42/03, 81/06, 76/07, 81/07, 94/07 i 24/08), daje

MIŠLJENJE

Ustavni osnov za donošenje predmetnog zakona sadržan je u odredbi člana IV 4.a) Ustava Bosne i Hercegovine, prema kojem je Parlamentarna skupština Bosne i Hercegovine nadležna za donošenje zakona potrebnih za sprovođenje odluka Predsjedništva ili za izvršavanje nadležnosti Skupštine po ovom Ustavu.

Savjet ministara Bosne i Hercegovine na 95.sjednici održanoj 22.03.2017.godine, upoznao se sa Informacijom o potrebi usaglašavanja pojedinih odredbi Zakona o nezavisnim i nadzornim tijelima policijske strukture Bosne i Hercegovine, uz inicijativu za njegovu izmjenu, te zadužio Ministarstvo bezbjednosti da za Savjet ministara pripremi izmjene Zakona o nezavisnim i nadzornim tijelima policijske strukture Bosne i Hercegovine, kako bi se pojedine odredbe Zakona usaglasile na način kako je to navedeno u Informaciji Ministarstva bezbjednosti.

Predmetnom izmjenom Zakona o nezavisnim i nadzornim tijelima policijske strukture Bosne i Hercegovine, jasnije se precizira odredba stava (2) člana 11. u smislu da ministar bezbjednosti BiH predlaže četiri policijska službenika Bosne i Hercegovine Savjetu ministara BiH za izbor i imenovanje.

U pogledu dostavljenog teksta Prijedlog zakona o izmjeni Zakona o nezavisnim i nadzornim tijelima policijske strukture Bosne i Hercegovine, Ured za zakonodavstvo daje sljedeće sugestije:

-u članu 1.u uvodnoj rečenici riječ "član" zamijeniti riječima: "u članu";

-u istom članu riječi: "Član 11." brisati. Ovo iz razloga što se mijenja samo stav, a ne cijeli član;

-u članu 2. riječi: "Bosne i Hercegovine" zamijeniti skraćenicom „BiH“ i zajedno sa riječima: "Službenom glasniku" staviti pod znake navoda.

Dostaviti:

-Naslovu


-a/a





Amel
Dža

Broj: 09-02-4-3848/17
Sarajevo, 20.4.2017. godine



BOSNA I HERCEGOVINA
MINISTARSTVO SIGURNOSTI
Trg Bosne i Hercegovine broj 1
71000 SARAJEVO

PREDMET: Mišljenje na Prijedlog zakona o izmjeni Zakona o neovisnim i nadzornim tijelima policijske strukture Bosne i Hercegovine, dostavlja se -

Veza: vaš akt broj: 04-02-1-3079/17 od 11.4.2017. godine

U vezi vašeg akta, broj i datum prednji, kojim od ovog ministarstva tražite mišljenje na Prijedlog Zakona o izmjeni Zakona o neovisnim i nadzornim tijelima policijske strukture Bosne i Hercegovine (u daljnjem tekstu: Prijedlog zakona), Ministarstvo pravde Bosne i Hercegovine je isti razmotrilo, te temeljem članka 31. stavak 1. točka b) Poslovnika o radu Vijeća ministara Bosne i Hercegovine („Službeni glasnik BiH“ broj: 22/03) dajemo sljedeće

MIŠLJENJE

Predlažemo da se u članku 1. Prijedloga zakona precizira na temelju kojih uvjeta će ministar sigurnosti Bosne i Hercegovine odabrati četiri od šest predloženih policijskih službenika za članove Odbora za žalbe policijskih službenika, a koje će zatim predložiti Vijeću ministara Bosne i Hercegovine za izbor i imenovanje.

Također, Ministarstvo pravde Bosne i Hercegovine je mišljenja da je potrebno izmijeniti i članak 10. stavak 3. kojim je propisano da najmanje pet članova Odbora za žalbe policijskih službenika moraju biti diplomirani pravnici, jer se ovom odredbom uvode bespotrebne restrikcije u pogledu izbora članova Odbora za žalbe policijskih službenika, te se ne ostavlja mogućnost drugim stručnim kadrovima, sa drugim zvanjima, da budu članovi ovog Odbora.

S poštovanjem,

DOSTAVLJENO:

- Naslovu,
- a/a.

MINISTAR
Josip Grubeša



Amel
Džur

BOSNIA AND HERZEGOVINA
MINISTRY OF FINANCE
AND TREASURY

Broj: 05-02-2-3615-2/17
Sarajevo, 19.4.2017.godine

25-04-2017

BOSNA I HERCEGOVINA
Ministarstvo sigurnosti

04 02-1 3049-4/17

Predmet: Mišljenje na nacrt Zakona o izmjeni Zakona o neovisnim i nadzornim tijelima policijske strukture Bosne i Hercegovine.

Veza: Vaš akt broj: 04-02-1-3079/17 od 11.4.2017. godine

Vezano za Vaš dopis, broj naveden u vezi, a kojim se traži Mišljenje na nacrt Zakona o izmjeni Zakona o neovisnim i nadzornim tijelima policijske strukture Bosne i Hercegovine, sukladno odredbama članka 31. pod e) Poslovnika o radu Vijeća ministara Bosne i Hercegovine („Službeni glasnik BiH“, broj 22/03), dajemo

MIŠLJENJE

1. Predmetnim Zakonom, mijenja se članak 11. stavak (2) Zakona o neovisnim i nadzornim tijelima policijske strukture Bosne i Hercegovine („Službeni glasnik BiH“, broj 36/08).
2. Ministarstvo financija i trezora Bosne i Hercegovine razmotrilo je predmetni Zakon i obrazloženje dostavljeno u privitku akta navedenog u vezi, te konstatiralo da je u dijelu obrazloženja, pod točkom *V Financijska sredstva* navedeno da usvajanje prijedloga Zakona ne zahtijeva izdvajanje bilo kakvih novih sredstava za provedbu istog.
3. Slijedom konstatiranog u točki 2. ovog mišljenja, Ministarstvo financija i trezora Bosne i Hercegovine daje pozitivno mišljenje na nacrt Zakona o izmjeni Zakona o neovisnim i nadzornim tijelima policijske strukture Bosne i Hercegovine.

S poštovanjem,

DOSTAVITI:

- Naslovu
- Sektoru za proračun institucija Bosne i Hercegovine
- a/a





Amel
Aja

Broj: 10-02-1-1006-2/16
Datum: 04.05.2017. godine

BOSNA I HERCEGOVINA
MINISTARSTVO SIGURNOSTI
n/r Dragan Mektić, ministar

Stamp: BOSNA I HERCEGOVINA
Stamp: 16-05-2017
Stamp: 17-05-2017
Stamp: 1336

Of-17017
f

PREDMET: Mišljenje o usaglašenosti Prijedloga Zakona o izmjeni Zakona o nezavisnim i nadzornim tijelima policijske strukture Bosne i Hercegovine sa Zakonom o ravnopravnosti spolova u BiH i Zakonom o zabrani diskriminacije, **dostavlja se**

VEZA: Vaš akt broj: 04-02-1-3079/17 od 11.04.2017.godine

Poštovani,

Ministarstvo za ljudska prava i izbjeglice i Agencija za ravnopravnost spolova Bosne i Hercegovine su razmotrili Prijedlog Zakona o izmjeni Zakona o nezavisnim i nadzornim tijelima policijske strukture Bosne i Hercegovine, sa obrazloženjem, te na osnovu člana 26. stav (1) tačka f) Zakona o ravnopravnosti spolova u Bosni i Hercegovini – prečišćeni tekst („Službeni glasnik BiH“ broj 32/10), daje **pozitivno**

MIŠLJENJE
o usaglašenosti sa Zakonom o ravnopravnosti spolova u Bosni i Hercegovini
i Zakonom o zabrani diskriminacije

Na osnovu člana 26. stav (1) tačka f) Agencija za ravnopravnost spolova Bosne i Hercegovine, MLJPI BiH, u cilju unapređenja ravnopravnosti spolova daje **sljedeće sugestije** u cilju **usaglašenosti** Prijedloga Zakona o izmjeni Zakona o nezavisnim i nadzornim tijelima policijske strukture Bosne i Hercegovine sa Zakonom o ravnopravnosti spolova u BiH :

1. U tekstu Prijedloga Zakona, u članu 1., potrebno je dodati stav (2) koji će glasiti: „Prilikom predlaganja članova Odbora za žalbe policijskih službenika, vodiće se računa o ravnopravnoj zastupljenosti spolova.“

OBRAZLOŽENJE: Zakon o ravnopravnost spolova u Bosni i Hercegovini – prečišćeni tekst, u članu 20, stav (1) i (2) propisuje: „(1) Državna tijela na svim nivoima organizacije vlasti, i tijela lokalne samouprave, uključujući zakonodavnu, izvršnu i sudsku vlast, političke stranke, pravna lica s javnim ovlaštenjima, pravna lica koja su u vlasništvu ili pod kontrolom države, entiteta, kantona, grada ili općine ili nad čijim radom javni organ vrši kontrolu, osigurat će i promovirati ravnopravnu zastupljenost spolova u upravljanju, procesu odlučivanja i predstavljanju. (2) Ravnopravna zastupljenost spolova postoji u slučaju kada je jedan od spolova zastupljen najmanje u procentu 40% u tijelima iz stava (1) ovog člana.“

2. U tekstu Prijedloga Zakona, potrebno je dodati Član 2. koji će glasiti: „U Zakon o nezavisnim i nadzornim tijelima policijske strukture Bosne i Hercegovine („Službeni glasnik BiH“, broj 36/08), u poglavlje I. OPĆE ODREDBE, dodaje se Član 2. (Rodno osjetljiva upotreba jezika) koji će glasiti: „Izrazi u ovom zakonu, koji su radi preglednosti dati u jednom gramatičkom rodu, bez diskriminacije se odnose i na muškarce i na žene.“



OBRAZLOŽENJE: U skladu sa članom 9. tačka e) Zakona o ravnopravnosti spolova u BiH diskriminacija u jeziku postoji kada se koristi isključivo jedan gramatički rod kao generički pojam. Formulacija iz ove sugestije koristi se u skladu sa članom 44a. stav (1) Izmjena i dopuna Jedinstvenih pravila za izradu pravnih propisa u institucijama Bosne i Hercegovine ("Službeni glasnik BiH", broj 58/14).

3. Budući da Ministarstvo za ljudska prava i izbjeglice Bosne i Hercegovine prati provedbu Zakona o zabrani diskriminacije („Službeni glasnik BiH“, broj 59/09 i 66/16), želimo naglasiti da se diskriminacijom u smislu ovoga Zakona smatra svako različito postupanje, uključujući svako isključivanje, ograničavanje ili davanje prednosti utemeljeno na stvarnim ili pretpostavljenim osnovama prema bilo kojoj osobi ili grupi osoba na bilo kojoj osnovi, te da prema završnim odredbama Zakona o zabrani diskriminacije svi zakoni i opći propisi u Bosni i Hercegovini trebaju biti usuglašeni s odredbama ovoga zakona.

U skladu sa naprijed navedenim Prijedlog Zakona o izmjeni Zakona o nezavisnim i nadzornim tijelima policijske strukture Bosne i Hercegovine treba dopuniti načelom nediskriminacije prilikom izbora i imenovanja nezavisnih i nadzornih tijela policijske strukture BiH.

S poštovanjem,

MINISTRICA

Semiha Borovac



Broj: 03/A-06-2-NH-500-2/17

Sarajevo: 13. april 2017. godine

BOSNA I HERCEGOVINA
MINISTARSTVO SIGURNOSTI

24-04-2017

Trg Bosne i Hercegovine 1
Sarajevo

04 02-1 3079-2/17

Predmet: Mišljenje o usklađenosti Prijedloga zakona o izmjeni Zakona o nezavisnim i nadzornim tijelima policijske strukture Bosne i Hercegovine sa *acquis-em*

Veza: Vaš akt broj: 04-02-1-3079/17 od 11. aprila 2017. godine

Na osnovu člana 18. Zakona o ministarstvima i drugim organima uprave Bosne i Hercegovine („Službeni glasnik BiH“, broj 5/03, 42/03, 26/04, 42/04, 45/06, 88/07, 35/09, 103/09 i 19/16) i člana 6. Odluke o Direkciji za evropske integracije („Službeni glasnik BiH“, broj 41/03), Direkcija za evropske integracije daje sljedeće:

M I Š L J E N J E

Prijedlogom zakon o izmjeni Zakona o nezavisnim i nadzornim tijelima policijske strukture Bosne i Hercegovine predložene su izmjene člana 11. Zakona o nezavisnim i nadzornim tijelima policijske strukture Bosne i Hercegovine („Službeni glasnik BiH“, broj 36/08).

Direkcija konstatuje da materija koja se uređuje Prijedlogom zakona o izmjeni Zakona o nezavisnim i nadzornim tijelima policijske strukture Bosne i Hercegovine nije obuhvaćena pravnim aktima Evropske unije, te za isti ne postoji obaveza usklađivanja zakonodavstva u skladu sa članom 70. Sporazuma o stabilizaciji i pridruživanju između Evropskih zajednica i njihovih država članica s jedne, i BiH, s druge strane („Službeni glasnik BiH – Međunarodni ugovori“, broj 10/08).

Dostavljeno:

1. Naslovu
2. a/a

DIREKTOR

Edin Dilberović

Na osnovu člana IV. 4. a) Ustava Bosne i Hercegovine, Parlamentarna skupština Bosne i Hercegovine, na 27. sjednici Predstavničkog doma, održanoj 10. aprila 2008. godine, i na 16. sjednici Doma naroda, održanoj 16. aprila 2008. godine, usvojila je

ZAKON O NEZAVISNIM I NADZORNIM TIJELIMA POLICIJSKE STRUKTURE BOSNE I HERCEGOVINE

SL. GLASNIK 36/08

I. OPĆE ODREDBE

Član 1.

(Djelokrug propisivanja)

(1) Ovim zakonom osnivaju se Nezavisni odbor, Odbor za žalbe policijskih službenika i Odbor za žalbe građana i utvrđuje njihova nadležnost i organizacija kao nezavisnih tijela policijske strukture Bosne i Hercegovine (u daljnjem tekstu: BiH).

(2) Na sva pitanja organizacije i upravljanja te druga pitanja značajna za funkcioniranje tijela uspostavljenih ovim Zakonom i odnosa između institucija BiH i odnos prema pravnim i fizičkim licima, u mjeri u kojoj nisu propisana ovim Zakonom, primjenjuje se Zakon o ministarstvima i drugim organima uprave Bosne i Hercegovine i Zakon o upravi.

II. NEZAVISNI ODBOR

Član 2.

(Definicija Nezavisnog odbora)

(1) Nezavisni odbor je nezavisno tijelo Parlamentarne skupštine BiH, s nadležnostima utvrđenim članom 3. ovog zakona.

(2) Postupak i način rada Nezavisnog odbora, u mjeri u kojoj nisu propisani ovim Zakonom, utvrđuju se Poslovníkom o radu Nezavisnog odbora, koji usvaja Parlamentarna skupština BiH na preporuku Nezavisnog odbora.

(3) Zajednička služba Sekretarijata Parlamentarne skupštine BiH pruža administrativno-tehničku podršku Nezavisnom odboru.

(4) Sredstva za rad i naknade za rad članova Nezavisnog odbora osiguravaju se u budžetu Parlamentarne skupštine BiH.

(5) Nezavisni odbor djeluje isključivo na profesionalnim osnovama, ne zastupajući, ne štiteći niti podrivajući interese bilo koje političke stranke, registrirane organizacije ili udruženja, ili bilo kojeg naroda u Bosni i Hercegovini.

Član 3.

(Nadležnosti Nezavisnog odbora)

(1) Nezavisni odbor nadležan je za:

a) provođenje procesa odabira kandidata i predlaganje smjenjivanja policijskih rukovodilaca i zamjenika rukovodilaca policijskih tijela BiH;

b) objavljivanje javnih konkursa i razmatranje prijava kandidata, vršenje odabira i dostavljanja ministru sigurnosti BiH imena najviše pet kandidata za rukovodioce i imena najviše pet kandidata za zamjenike rukovodilaca policijskih tijela BiH;

c) razmatranje pritužbi na rad rukovodilaca i zamjenika rukovodilaca policijskih tijela BiH i obavješćavanje o tome ministra sigurnosti BiH i Vijeća ministara BiH;

d) iniciranje pokretanja disciplinskog postupka protiv rukovodilaca i zamjenika rukovodilaca policijskih tijela BiH;

e) predlaganje smjenjivanja rukovodilaca i zamjenika rukovodilaca policijskih tijela BiH za čiji izbor je nadležan, ukoliko su počinili krivično djelo, odnosno ukoliko počine tešku povredu službene dužnosti, osim za krivična djela iz oblasti sigurnosti saobraćaja;

f) ostale poslove propisane zakonom, Poslovnikom o radu Nezavisnog odbora i drugim propisima.

(2) Nezavisni odbor obrađuje podatke i vodi evidencije u skladu sa zakonom i drugim propisima.

Član 4.

(Struktura Nezavisnog odbora)

(1) Nezavisni odbor ima devet članova: tri Bošnjaka, tri Hrvata i tri Srbina.

(2) Članovi Nezavisnog odbora biraju se između predstavnika pravosudnih institucija, penzionisanih policijskih službenika, penzionisanih i aktivnih državnih službenika, te istaknutih stručnjaka iz drugih oblasti javnog života, oblasti prava, kriminalističkih nauka i policijskih poslova.

(3) Članovi Nezavisnog odbora, osim što moraju ispuniti opće uslove, moraju imati visoku stručnu spremu.

(4) Kandidat za člana Nezavisnog odbora ne može biti član političke stranke, ni lice osuđeno za krivično djelo, osim za krivično djelo iz oblasti sigurnosti saobraćaja.

Član 5.

(Imenovanje i razrješavanje članova Nezavisnog odbora)

(1) Predsjednika, zamjenika predsjednika i članove Nezavisnog odbora imenuje i razrješava Parlamentarna skupština BiH, nakon što ad hoc komisija koju imenuje Parlamentarna skupština BiH provede proceduru.

(2) Ad hoc komisija ima šest članova, od kojih su tri poslanici koje imenuje Predstavnički dom, a tri člana su delegati koje imenuje Dom naroda Parlamentarne skupštine BiH.

(3) Članovi Nezavisnog odbora imenuju se na mandat od četiri godine.

(4) Ad hoc komisija Parlamentarne skupštine BiH dužna je pokrenuti proceduru izbora novih članova Nezavisnog odbora šest mjeseci prije isteka mandata ili u roku od 30 dana od razrješanja ili smrti člana Nezavisnog odbora.

(5) Član Nezavisnog odbora može biti razriješen dužnosti:

- a) na lični zahtjev;
- b) ako duže vrijeme ne obavlja svoju dužnost;
- c) ako je osuđen za krivično djelo, osim za krivično djelo iz oblasti sigurnosti saobraćaja;
- d) ako se utvrdi da je član političke stranke;
- e) ako se na osnovu mišljenja nadležne zdravstvene ustanove utvrdi da je trajno spriječen obavljati dužnost.

Član 6.

(Način rada Nezavisnog odbora)

(1) Radom Nezavisnog odbora rukovodi predsjednik.

(2) Odluka Nezavisnog odbora je važeća ako za nju glasa sedam članova Nezavisnog odbora.

Član 7.

(Dužnosti i odgovornosti predsjednika Nezavisnog odbora)

(1) Predsjednik Nezavisnog odbora:

- a) predstavlja Nezavisni odbor;
- b) priprema nacrt poslovnika o radu Nezavisnog odbora, nacrt godišnjeg plana rada Nezavisnog odbora i, nakon što ih potvrdi Nezavisni odbor, prosljeđuje ih Parlamentarnoj skupštini BiH na usvajanje;
- c) saziva sjednice Nezavisnog odbora;
- d) rukovodi i usmjerava obavljanje poslova iz nadležnosti Nezavisnog odbora;

e) podnosi godišnji izvještaj o radu Nezavisnog odbora Parlamentarnoj skupštini BiH, nakon što ga usvoji Nezavisni odbor, te posebne izvještaje prema potrebi ili na zahtjev Parlamentarne skupštine BiH;

f) podnosi izvještaje iz tačke e) ovog stava Vijeću ministara BiH i Predsjedništvu BiH, na njihov zahtjev;

g) obavlja druge dužnosti propisane zakonom i drugim propisima.

(2) Predsjednik je odgovoran za zakonitost rada Nezavisnog odbora.

III. ODBOR ZA ŽALBE POLICIJSKIH SLUŽBENIKA

Član 8.

(Definicija Odbora za žalbe policijskih službenika)

(1) Odbor za žalbe policijskih službenika je nezavisno tijelo Vijeća ministara BiH, s nadležnostima utvrđenim članom 9. ovog zakona.

(2) Postupak i način rada Odbora za žalbe policijskih službenika, u mjeri u kojoj nisu propisani ovim Zakonom, utvrđuju se Poslovníkom o radu Odbora za žalbe policijskih službenika, koji usvaja Vijeće ministara BiH na preporuku Odbora za žalbe policijskih službenika.

(3) Ministarstvo sigurnosti BiH pruža administrativno-tehničku podršku Odboru za žalbe policijskih službenika.

(4) Sredstva za rad i naknada za rad članova Odbora za žalbe policijskih službenika osiguravaju se u budžetu Ministarstva sigurnosti BiH.

(5) Odbor za žalbe policijskih službenika djeluje isključivo na profesionalnim osnovama, ne zastupajući, ne štiteći niti podrivajući interese bilo koje političke stranke, registrirane organizacije ili udruženja, ili bilo kojeg naroda u Bosni i Hercegovini.

Član 9.

(Nadležnosti Odbora za žalbe policijskih službenika)

(1) Odbor za žalbe policijskih službenika nadležan je za donošenje odluka po žalbama koje podnesu policijski službenici protiv odluka koje su donijela policijska tijela BiH u pogledu statusa policijskog službenika ili u slučajevima propusta policijskog tijela da donese odluku u pogledu statusa policijskog službenika.

(2) Odbor za žalbe policijskih službenika odlučuje o žalbi u roku od 30 dana od dana prijema žalbe, osim žalbe na odluku o suspenziji, o kojoj odlučuje u roku od tri dana.

(3) Žalbe podnesene Odboru za žalbe policijskih službenika odgađaju izvršenje odluke policijskog tijela, osim žalbe na odluku o suspenziji.

(4) Odluke Odbora za žalbe policijskih službenika su konačne i moraju se izvršiti bez odgađanja, s tim da mogu biti predmet sudskog preispitivanja u skladu sa zakonima Bosne i Hercegovine, a dostavljaju

se podnosiocu žalbe i policijskom tijelu u roku od osam dana od dana donošenja.

(5) Odbor za žalbe policijskih službenika obrađuje podatke i vodi evidencije u skladu sa zakonom i drugim propisima.

Član 10.

(Struktura Odbora za žalbe policijskih službenika)

(1) Odbor za žalbe policijskih službenika ima sedam članova, od kojih su četiri člana policijski službenici, a tri člana su državni službenici.

(2) U Odboru za žalbe policijskih službenika moraju biti zastupljeni svi konstitutivni narodi.

(3) Članovi Odbora za žalbe policijskih službenika koji su policijski službenici moraju imati najmanje čin samostalnog inspektora. Od ukupnog broja članova, najmanje pet članova moraju biti diplomirani pravnici.

Član 11.

(Imenovanje i razrješavanje članova Odbora za žalbe policijskih službenika)

(1) Predsjednika, zamjenika predsjednika i članove Odbora za žalbe policijskih službenika imenuje i razrješava Vijeće ministara BiH, nakon što Ministarstvo sigurnosti BiH provede proceduru.

(2) Svako policijsko tijelo BiH koje ima status upravne organizacije predlaže ministru sigurnosti BiH po dva policijska službenika za članove Odbora za žalbe policijskih službenika, a koje ministar sigurnosti BiH predlaže Vijeću ministara BiH na izbor i imenovanje.

(3) Na prijedlog nadležnih ministara, ministar sigurnosti BiH predlaže na izbor i imenovanje Vijeću ministara BiH kandidate za članove Odbora za žalbe policijskih službenika, koji su državni službenici iz Ministarstva sigurnosti BiH, Ministarstva pravde BiH i Ministarstva civilnih poslova BiH.

(4) Članovi Odbora za žalbe policijskih službenika imenuju se na mandat od četiri godine.

(5) Ministar sigurnosti BiH dužan je pokrenuti proceduru izbora novih članova Odbora za žalbe policijskih službenika šest mjeseci prije isteka mandata ili u roku od 30 dana od razrješavanja ili smrti člana Odbora za žalbe policijskih službenika.

(6) Član Odbora za žalbe policijskih službenika može biti razriješen dužnosti:

a) na lični zahtjev;

b) ako duže vrijeme ne obavlja svoju dužnost;

c) ako je osuđen za krivično djelo, osim za krivično djelo iz oblasti sigurnosti saobraćaja;

- d) ako se utvrdi da je član političke stranke;
- e) ako se na osnovu mišljenja nadležne zdravstvene ustanove utvrdi da je trajno spriječen obavljati dužnost.

Član 12.

(Način rada Odbora za žalbe policijskih službenika)

- (1) Odborom za žalbe policijskih službenika rukovodi predsjednik.
- (2) Kvorum čine četiri člana Odbora za žalbe policijskih službenika.
- (3) Sve odluke Odbora za žalbe policijskih službenika donose se većinom glasova članova koji su prisutni.

Član 13.

(Dužnosti i odgovornosti predsjednika Odbora za žalbe policijskih službenika)

- (1) Predsjednik Odbora za žalbe policijskih službenika:
 - a) predstavlja Odbor za žalbe policijskih službenika;
 - b) rukovodi i usmjerava obavljanje poslova iz nadležnosti Odbora za žalbe policijskih službenika;
 - c) priprema nacrt poslovnika o radu Odbora za žalbe policijskih službenika i nacrt godišnjeg plana rada Odbora za žalbe policijskih službenika i, nakon što ih prihvati Odbor za žalbe policijskih službenika, prosljeđuje ih Vijeću ministara BiH na usvajanje preko Ministarstva sigurnosti BiH;
 - d) podnosi godišnji izvještaj o radu Odbora za žalbe policijskih službenika Vijeću ministara BiH, te posebne izvještaje prema potrebi ili na zahtjev Vijeća ministara BiH;
 - e) obavlja druge dužnosti propisane zakonom i drugim propisima.
- (2) Predsjednik Odbora za žalbe policijskih službenika odgovoran je za zakonitost rada Odbora za žalbe policijskih službenika.

IV. ODBOR ZA ŽALBE GRAĐANA

Član 14.

(Definicija Odbora za žalbe građana)

- (1) Odbor za žalbe građana je nezavisno tijelo Parlamentarne skupštine BiH, s nadležnostima iz člana 15. ovog zakona.

(2) Postupak i način rada Odbora za žalbe građana, u mjeri u kojoj nisu propisani ovim Zakonom, utvrđuju se Poslovnikom o radu Odbora za žalbe građana, koji usvaja Parlamentarna skupština BiH, na prijedlog Odbora za žalbe građana.

(3) Zajednička služba Sekretarijata Parlamentarne skupštine BiH pruža stručnu i administrativno-tehničku podršku Odboru za žalbe građana.

(4) Sredstva za rad i naknada za rad članova Odbora za žalbe građana osiguravaju se u budžetu Parlamentarne skupštine BiH.

(5) Odbor za žalbe građana djeluje isključivo na profesionalnim osnovama, ne zastupajući, ne štiteći niti podrivajući interese bilo koje političke stranke, registrirane organizacije ili udruženja, ili bilo kojeg naroda u Bosni i Hercegovini.

Član 15.

(Nadležnosti Odbora za žalbe građana)

(1) Odbor za žalbe građana nadležan je za:

a) primanje, evidentiranje, procjenjivanje i prosljeđivanje žalbi na postupanje policijskih službenika BiH, kao i njihovo upućivanje nadležnim policijskim tijelima;

b) kontinuirano praćenje u kojoj fazi se nalazi predmet;

c) iniciranje odgovarajućeg postupka protiv podnosioca žalbe u slučaju lažne ili tendenciozne žalbe;

d) vođenje svih odgovarajućih evidencija i baza podataka o žalbama građana protiv policijskih službenika BiH, rezultatima istrage i drugim faktorima na osnovu kojih je pokrenut disciplinski ili krivični postupak;

e) davanje svih informacija podnosiocu žalbe vezanih za njegovu žalbu;

f) informiranje Parlamentarne skupštine BiH o svom radu.

(2) Odbor za žalbe građana nadležan je za sve ostale poslove propisane zakonom.

(3) Odbor za žalbe građana obrađuje podatke i vodi evidencije u skladu sa zakonom i drugim propisima.

Član 16.

(Struktura Odbora za žalbe građana)

(1) Odbor za žalbe građana ima sedam članova koji se biraju između uglednih i uvažanih građana koji nisu zaposleni u policijskim tijelima BiH.

(2) Članovi Odbora za žalbe građana moraju imati visoku stručnu spremu, a najmanje pet članova Odbora moraju biti diplomirani pravnici.

(3) U Odboru za žalbe građana moraju biti zastupljeni svi konstitutivni narodi.

(4) Kandidat za člana Odbora za žalbe građana ne može biti član političke stranke, ni lice osuđeno za krivično djelo, osim za krivično djelo iz oblasti sigurnosti saobraćaja.

Član 17.

(Imenovanje i razrješavanje članova Odbora za žalbe građana)

(1) Predsjednika, zamjenika predsjednika i članove Odbora za žalbe građana imenuje i razrješava Parlamentarna skupština BiH, nakon što ad hoc komisija koju imenuje Parlamentarna skupština BiH provede proceduru.

(2) Ad hoc komisija ima šest članova, od kojih su tri člana poslanici koje imenuje Predstavnički dom, a tri člana delegati koje imenuje Dom naroda Parlamentarne skupštine BiH.

(3) Članovi Odbora za žalbe građana imenuju se na mandat od četiri godine.

(4) Ad hoc komisija Parlamentarne skupštine BiH dužna je pokrenuti proceduru izbora novih članova Odbora za žalbe građana šest mjeseci prije isteka mandata ili u roku od 30 dana od razrješjenja ili smrti člana Odbora za žalbe građana.

(5) Član Odbora za žalbe građana može biti razriješen dužnosti:

a) na lični zahtjev;

b) ako duže vrijeme ne obavlja svoju dužnost;

c) ako je osuđen za krivično djelo, osim za krivično djelo iz oblasti sigurnosti saobraćaja;

d) ako se utvrdi da je član političke stranke;

e) ako se na osnovu mišljenja nadležne zdravstvene ustanove utvrdi da je trajno spriječen obavljati dužnost.

Član 18.

(Način rada Odbora za žalbe građana)

(1) Odborom za žalbe građana rukovodi predsjednik.

(2) Kvorum čine četiri člana Odbora za žalbe građana.

(3) Sve odluke Odbora za žalbe građana donose se većinom glasova članova koji su prisutni.

Član 19.

(Dužnosti i odgovornosti predsjednika Odbora za žalbe građana)

(1) Predsjednik Odbora za žalbe građana:

- a) predstavlja Odbor za žalbe građana;
 - b) rukovodi i usmjerava obavljanje poslova iz nadležnosti Odbora za žalbe građana;
 - c) priprema nacrt poslovnika o radu Odbora za žalbe građana i, nakon što ga potvrdi Odbor za žalbe građana, prosljeđuje ga Parlamentarnoj skupštini BiH na usvajanje;
 - d) podnosi godišnji izvještaj o radu iz nadležnosti Odbora za žalbe građana Parlamentarnoj skupštini BiH, nakon što ga usvoji Odbor za žalbe građana, te posebne izvještaje prema potrebi ili na zahtjev Parlamentarne skupštine BiH;
 - e) obavlja druge dužnosti propisane zakonom i drugim propisima.
- (2) Predsjednik Odbora za žalbe građana odgovoran je za zakonitost rada Odbora za žalbe građana.

V. PRIJELAZNE I ZAVR[NE ODREDBE

Član 20.

(Imenovanja)

Postupak imenovanja propisanih ovim Zakonom počet će u roku od 45 dana od dana stupanja na snagu ovog zakona, a bit će okončan najkasnije 90 dana od dana stupanja na snagu ovog zakona.

Član 21.

(1) Lokalni nivo, kao dio nove jedinstvene policijske strukture BiH, zatim odgovarajuća pitanja odnosa između tijela osnovanih ovim Zakonom i lokalnih policijskih tijela, te ostali detalji policijske strukture bit će regulirani nakon reforme Ustava BiH u skladu s tri principa Evropske komisije, i to u dva osnovna zakona: Zakonu o policijskoj službi Bosne i Hercegovine i Zakonu o policijskim službenicima Bosne i Hercegovine.

(2) Zakoni iz stava (1) ovog člana zasnivat će se na relevantnim odredbama Ustava BiH, a bit će usvojeni najkasnije godinu dana nakon usvajanja Ustava BiH.

(3) Struktura jedinstvenih policijskih snaga BiH odgovarat će ustavnoj strukturi zemlje.

Član 22.

(Stupanje na snagu)

Ovaj Zakon stupa na snagu osmog dana od dana objavljivanja u "Službenom glasniku BiH".

Predsjedavajući
Predstavničkog doma
Parlamentarne skupštine BiH
dr. **Milorad Živković**, s. r.

Predsjedavajući
Doma naroda
Parlamentarne skupštine BiH
Sulejman Tihić, s. r.